

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

تاریخچه عدلیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغات

انجمن عدلیه دن ۱۳ تشرین ثانی سنه ۱۳۱۹

تاریخچه اعطا قلنان مذکره در :

امور حقوقیه مدیرتیک انجمن عدلیه به محول
۱۳ تشرین اول سنه ۳۱۹ تاریخی مذکره سیله
ملفوفاتی قرائت اولندی .

مالرینه نظراً خزینه جلیله به مدیون صراف چیوی
اوغلی آنستینک در سعادت بدایت محکمه سی اجرا
دائره سی معرفیه حجز و مزایده ایدیلان بورغاز
اطه سنده کائن برقطعه عرصه سی اوچیوز بر عدد
لیرای عثمانی بدل مقابلنده امور تجاریه مدیری سعادتو
نیقولا کی افندی حضرتلری عهده سنده تقرر اتمش
ایکن مشارالیهک بالآخره وقوع امتناعه منی تکرار
مزایده به قونیه رق یوز یکرمی بر لیرا نقصانه دیکر
طالبنه احاله اولنش واشبو نقصانک تضمینی حقنده
خزینه مشارالیها جانبدن محکمه مذکوره به مراجعتله
اقامه اولنان دعوی شو خصوصه مزبور آنستینک
مضرر اولدینی جهتله خزینه به خصومت توجه
ایده میه جکندن بالبحث رد اولدینی کی اخیراً وفات
ایدن مدیون مرقومک ورثه سنه عائد دنیلان مذکور
یوزیکرمی بر لیرانک حجزی طلبیه بک اوغلی بدایت
محکمه سنه وقوعبولان مراجعت دخی رد دعوائی
متضمن اولان اعلامک حکم قطعی بی حاوی و طلب
ایدیلان اچهنک دخی محقق اولدینی اسبابنه بناء
قبول و ترویج ایدلماش اولدینی منفعهم اولوب انجمنجه
تدقیقه لزوم کوستریلان مسئله ده مشارالیهک استکافی
اوزرینه قانوناً ترتب ایده جک معامله ایله حجز ادعا
سنک تکرار درمیانی جائز اولوب اولدینی خصوصاً
تنه متدائر بولنشدر .

دین ایچون اموال غیر منقوله نک فروختی حقنده
کی نظامنامه نک اونجی ماده سنده : «مزایده اولنان غیر
منقولک عهده سنه احاله سی اجرا قلنان طالبی اشتراک
نکول ایلدیکی حالد تکرار امر مزایده سنک اجرا
سیله ظهور ایده جک ضرر دعوی مصرفیه برابر

کندوسنه تضمین ایتدیریلور. دیو محرر اولسنه نظراً
بو خصوصه واحوال نمائنده ترتب ایده جک معامله
دعوی مصرفیه بدل مزایده آراسنده ظهور ایدن
نقصانی بالآخره قبولدن امتناع ایدن برنجی مشتری به
تضمین ایتدیرمکدن عبارت اولدینی کی امتناع واقعدن
متحصل نقصانک بالرضا تسویه اولمدینی تقدیرده
صراحت قانونیه نک فقده اندن و علی الخصوص ماده
مذکوره ده دعوی مصرفک دخی تضمین ایتدیریلور
جکی قید صریحک موجودیتدن نانی اصول وقواعد
عمومیه به توفیقاً بوباده استحصال حکمه احتیاج
طبیعی و شوماده دن طولای خزینه جلیله به خصومت
متوجه اولمدینی بولنده لاحق اولان اعلام ابتدائیک
کسب قطعیت ایتسنه منی خزینه مشارالیهانک شخص
ناک صفیه دعویه داخل اولقی و حجز احتیاطی
وضع اتمک مثلاً طرق قانونیه به مراجعت حقنک
محفوظیتیه برابر تضمین ضرره متدائر اولان دعوی
اساسیه نک اقامه سی صلاحیتک مدیونه عائدتی بدیی
بولنشدر .

بک اوغلی بدایت محکمه سنجه رد اولنان حجز
ادما سنک تکرار درمیانی جائز اولوب اولمدینی جهتنه
کلنجه بوکی حجز احتیاطی به متعلق اولان مستدعیانک
ردی بولنده محاکم ابتدائیه دن لاحق اولان مقررانک
قطعی اولمی اعتباریه اصول وقانونه مغایرتی حالنده
ما فوقی محکمه سنه مراجعتله تعدیل و اصلاح ایتدیریلمی
احکام قانونیه دن اولوب انجق اوراق ملفوفه مؤداسنه
نظراً خزینه جلیله نک محکمه مذکوره به اعطا ایلدیکی
حجز استدعائیه سنک ردینه دائر بالمذاکره ویرلمش
و دفتر مخصوصه قید ایله برابر هیئت حاکمه جه تحت
امضای آلمش برقرار موجود اولوب ابراز اولنان
اوراقک اجرای حجزه کافی کوریه مدیکی بیانیله خزینه
مشارالیها وکیلنه اعاده قلندینی اکلاشلمش و تصدیق
حجزه دائر ویریلان مقررات مثلاً رد حجز حقنده دخی
ما فوقی محکمه سنه مراجعت ایده بیلمک اوزره اصول
محاکمات حقوقیه قانوننک تعریفاته موافق صورتده
قرار اعطاسی لزومه قارشو قانوناً برحکمی تضمین
ایتمیان معاملات مسروده نک تکرار تنظیم قلنه جق

حجز استدعائیه سنک اجرای تدقیقانه مانع اوله میه -
جنی درکار بولنش اولدیغندن شو وجهله نظارت
مشارالیها به تذکره جوابیه تسطیری تذکر قلنش
ایسه ده اجرای ایجابی

محاکمات و مقررات

چورلی قضاسی اهالیسندن اوستویان اوغلی
باسقالک کیفیت قلندن دولای جنایتله اتهام اولنان
آپوستول ولد خرسودیلک اون بش سنه مدته کورکه
قونلسنه دائر تکفور طانغی سنجانغی بدایت محکمه سی
جزا دائره سندن ویریلان ۴۷۱ نومرولی اعلام
ماز اوغلی حاجینک برادر زاده سی عبداللهی قتل
ایلدیکی ادعا اولنسندن دولای جنایتله اتهام اولنان
رومان اوغلی هاشمک اون بش سنه مدته کورکه
قونلسنه دائر سیواس ولایتی استیناف محکمه سی جزا
دائره سندن ویریلان ۹۰ نومرولی اعلام

اریجه قریه لی باقی اوغلی و یسلی ضرباً قتل ایلدیکی
ادعا اولنسندن دولای جنایتله اتهام اولنان قریه
مذکوره لی محمدک بش سنه مدته کورکه قونلسنه
دائر پروزه سنجانغی بدایت محکمه سی جزا دائره سندن
ویریلان ۲۷۱ نومرولی اعلام

جمعه قضاسنک قوفال اوبه قریه سندن چوبان
احمدی قورشونله قتل ایلدکری ادعا اولنسنندن
دولای جنایتله اتهام اولنان حسن کوپلی احمد و محمد
بنان مصطفی ایله نعمان بن سلیمان و کاظم بن عثمان
وحلیم بن ایش صالحک اون بش سنه مدته کورکه
قونلرینه دائر سرفیجه سنجانغی بدایت محکمه سی
جزا دائره سندن ویریلان ۱۵۶ نومرولی اعلام

بقال یورکی ولد نیقوله نک لیلان دکانه کیره رک
اچیه واشیاسنی سرقت ایلدکری ادعا اولنسنندن دولای
جنایتله اتهام اولنان قلاچی اوغلی متروایله آراستیدی
ولد قسطه نک اوچر سنه مدته کورکه قونلرینه
دائر کلیولی سنجانغی بدایت محکمه سی جزا دائره سندن

ایکینجی دفعه اوله رق ویریلان ۲۸۳ نومرولی اعلام قیال قضا سنک جمعه قریه سندن سالم بن یعقوبک انشای راهده نقود وایشانی غصب ایتمسندن دولانی جنایتله اتهام اولنان سینکلی قریه سندن کل حسن بن حسنک اوج سنه مدته کورکه قوئلسنه دأر سر فیجه سنجانجی بدایت محکمه سی جزا دأره سندن ویریلان ۹۸ نومرولی اعلام

شه شه قریه سی اهالیسندن اسپرو اناسولی قتل ایلدیکی ادا اولمسندن دولانی جنایتله اتهام اولنان قریه مذکورلی خرسو ولد یورکینک اون بش سنه مدته کورکه قوئلسنه دأر پروژه سنجانجی بدایت محکمه سی جزا دأره سندن ویریلان ۶۵ نومرولی اعلام

جمعه قضا سنک اوکله فر قریه سندن سلیمان بن امراللهک دکرماندن ذخیره سی سرق ایلدیکی ادا قلمسندن دولانی جنایتله اتهام اولنان ابراهیم بن عبداللهک اوج سنه مدته کورکه قوئلسنه دأر سر فیجه سنجانجی بدایت محکمه سی جزا دأره سندن ویریلان ۳۸۷ نومرولی اعلام

ایلیا یورکی وواسیل قسطه نک انشای راهده اوکرینه حقه رق معامله جیر شدت اجراسیله نقود موجوده لرینی اخذ وغصب ایتمسندن دولانی جنایتله اتهام اولنان صالح بن ولینک اوج سنه مدته کورکه قوئلسنه دأر کوریمجه سنجانجی بدایت محکمه سی جزا دأره سندن ویریلان ۱۳۳ نومرولی اعلام محکمه تمیز جزا دأره سنجه تصدیق اولمشدر .

—*—

۲۵۳ نومرولی نسخده مندرج درسمعات جنایت محکمه سی اعلامنک مابعدی :

دیگر شاهده محل مذکورده زوئجه نک عموخانه . سنده سرمایه یکر می یاشنده مقری کوبلی التی بنت اسپرو برنجشبه کونی خانه لرینک اوست قاتنده بولندی صره ده ایشتمدی کورلنی به باقدیغنده اولغانک یوزندن قان آققده اولدیغنی وپارمغ دوشدی وایرانی محمد کسدی دیو فریاد ایتمکده بولندیغنی و دوشن یازمق بارچه سی یرده بولقلری و مرقوم محمدی کورمدیکی افاده مضبوطه سنه موافق صورتده یاد وشهادتک حاضر بولنان مته محمد حقنده اولدیغنی ایراد ایلدی .

بوشاهده نک شهادته دنه دیه جکی مته محمدن صورلدقده قبول ایده میه جکی سوبلدی .

دیگر شاهده محل مذکورده ناطاشانک عموخا . نه سنده سرمایه اوتوز یاشنده آستانه لی لوجیقه بنت آدون وقعه کیجه سی ساعت ایکی یجق راده لرده اولغا مصطفانک قهوه سنه کیدوب برآز صکره عودت

ایدرک خانه سنه کیرمسی معقب مته محمد دخی کله رک ایجری به کوروب آرادن برسات قدر زمان مروندن صکره اولغا باغرمغه باشلا دیغنی وکندوسیده کیدوب باقدیغنده اولغانک پارمغنی طونه رق محمد کسدی دیدیکی فقط محمدک اوردیغنی و خانه به دخولی ائنا سنده الیه یجاق بولندیغنی مشاهده ایتمدیکی افاده مضبوطه سی دأره سنده اتیان وشهادتک حاضر بولنان مته محمد حقنده اولدیغنی برآورده زبان ایلدی .

بوشاهده نک شهادته نه دیه جکی مته محمدن استفسار قلدقده سبب بیان ایتمه رک خصوصتی قبول ایده میه جکی سوبلدی . دیگر شاهده ارقادی زقاغنده عموخانه جی کور مورغیه نک یاشنده سرمایه اوتوز بش یاشنده فرنک ماری بنت باولی دخی برنجشبه کونی اخشامی ساعت ایکی راده لرده مته محمد زقاندن کچوب کیتدیکی واولقاده مصطفانک قهوه سی اوکنده طایفدی بعض اشخاصله قوشمقده بولندیغنی کوروب برآز صکره مزبورده نک خانه سنده باغرمقده اولدیغنی ایشتمسیله کیدوب باقدیغنده یوزندن قان آققده اوله رق کور .

دیکی و محمدک یاره لیدیکی سولش ایسه ده مرقوم محمدک اوردیغنی و صورت جرحی کورمدیکی افاده استنطاقیه سی دأره سنده اخبار وشهادتک حاضر بولنان مته محمد حقنده اولدیغنی تذکار ایلدی .

مته برکونه سیه مبنی اولیه رق بوشادتی دخی قبول ایده میه جکی سوبلدی .

مذکور بوسله ده اسامیسی محرر اولان شاهده لردن حال صوا و دسپنا و قاملیا و دیگر قاملیا وروزا نام شهوده جلینامه تبلیغ اولسندی حالده ورود ایتمکدن مطالعه سی صوریلان معاون موی الهک طلی وجهله شهود مرقومدن یارمشر آلتون جزای نقدی برای اخذ احضار لرینه و بناء علیه اکل محاکمه نک یوم آخره تعلیقنه متفقاً قرار ویریه رک طرفینه بالتفهیم سنه مرقومه تشرین نایسنگ یکر می ایکینجی کونی مته مرقوم علی الاصول توقیف خانه دن کتوردیه رک معاون و وکیل موی الهما ومدعیه شخصیه اولغا حاضر اولقلری حالده محاکمه سالونه جیقلدی . محاکمه علنییه دوام اوله رق ومظنون علیه احسان جلب مذکورده سی امضا ایلدیکی حالده ورود ایتماسندن ناشی معاون موی الهک طلی وجهله مرقومک غیاینده اجرای محاکمه قرار کیر اولقدن صکره احضاراً جلب اولنان شاهدر برر برر حضور محکمه یه جیقارلسیله عندالسؤال طرفینه قرایت ومناسبت وعداوتلری اولمدنی آکلاشمسیله اصولاً تحلیقلری بعد الاجرا منفرداً ومواجهه استماع او .

لندقلرنده بولردن اداره مخصوصه دأره سی آلتنده کی محمد

افندیگ قهوه سنده ساکن ریختمده حال اوتوزسکن یاشنده صوا ولد آنطاش وقعه کیجه سی ساعت اوج راده لرده یکنی میخال ایله مصطفانک قهوه سنده اوطورمقدرلر ایکن مدعیه اولغانک کلوب برقهوه اصهارلایه رق خانه سنه کیتدیکی مته محمدده برآز کپودن و آرقه سندن گلکده اولدی صره ده کندوسی قهوه ده طباقه سی اونودیغنی تحضر ایدرک کیدوب عودتسده برکورتلی ایشتمسیله باقدیغنده اولغانک برمغک اوزونجه برقادینک الیه بولندیغنی ومن بو . رمنک دخی یوزنک قانی بیقامقده ایدوکی کوردیکی افاده استنطاقیه سی وجهله یاد وشهادتک حاضر بولنان مته محمد حقنده ایدوکی ایراد ایلدی .

مته محمد قول مجرد ایله شهادت آنفیه یی قبول ایتمه جکی سرد ایلدی .

یوکسک قالدیرمه قزمانلی قضالی اوتوز بش یاشنده عموخانه جی آتش دسپنا بنت اتم کیجه زقافده بولنان اوشاقلری آغوبک فریاد ایدرک خانه به عودتی معقب آرقه سندن ایرانی محمد واحسان دخی کله رک صندالیه ایله مرقومک باشنه ضرب ولامه یی دخی شکست ایتمکدن برر ومأمورینک ورودنی آکلاملری اوزرینه فرار ایدرک زقاق ایچنده دخی سلاح آندقلری وشهادتک ایرانی محمد وکورسه طایفه جنی اوزونجه اسمر بکزی احسان حقنده ایدوکی یاد ایلدی .

یوکسک قالدیرمه دسپنانک یاشنده سرمایه استانبولی یکر می درت یاشنده قاملیا بنت بدروس اوشاق آغوبک قوشه رق اوه کیرمسی معقب آرقه سندن محمد واحسان دخی خانه به کپورده وتوقات و صندالیه ایله ضرب ایدرک لامبه یی دخی شکست ایتمکدن برر وطایفه آنه رق فرار ایتمکدن وشهادتک مته محمد ایله کورسه طایفه جنی احسان حقنده ایدوکی سوبلدی .

خانه مذکورده سرمایه آستانه لی یکر می بش یاشنده قاملیا بنت یانی خانه نک آشایسده ایشتمش اولدی کورتیه ایتمکدن مته محمد واحسانک اوشاق آغوبی ضرب ایتمکدن و اوصره ده لامبه یی دخی برصندالیه اوروب سوندردکری ومعقباً فرار ایدرک زقافده طایفه آندقلری ایشتمکدن وشها دتک حاضر بولنان محمد وکورسه طایفه جنی احسان حقنده ایدوکی سوبلدی .

ینه خانه مذکورده سرمایه آستانه لی یکر می یاشنده روزا بنت استبان ایشتمدی کورلنی اوزرینه نجره دن باقدیغنده آغوب قوشمقده واحسان ایله محمدک ضرب ایدرک تعقیب ایتمکده اولقلری کوروب مؤخرأ آغوب اوه کیرمسیله مرقومانک تعقیب ایدرک ایجری به کیردکری وبکی ایله پولیسک ورودی اوزرینه

طایفه آنه رق قاجدقلری وشهادتک حاضر بولنان مته وکورسه طایفه جنی احسان حقنده ایدوکی سوبلدی .

آغوبی ضرب ایتمک وسلاح آتمق ماده لرینه منفرد شاهدردن هر برینک ایضای شهادت ایتملری عقبنده نه دیه جکی مته مهن سؤل اولندقده قول مجرد ایله قبول ایتمه جکی جوابلری آلدی .

شاهد صوا و دسپنا و قاملیا و دیگر قاملیا وروزادن محاکمه سابقه کونی دعوته عدم اجابتلری اسبانک تحقیقه کیریشلکده بولردن صوانک خسته بولندیغنی ناصیه حالندن نمایان ومن بورت دخی کیش ایسه لره یتشه . مدکلری سوبله رک افادات واقعه لرینک حجتی دخی تعلیق ضبطی امضا ایتش اوللردن مستبان اولغله مطالعه سی صوریلان معاون موی الهک طلی وجهله جزای نقدینک عفویه قرار ویریه رک اکلا دلدی .

مدت قانونیه سی ظرفنده مته محمد طرفندن ویریلوب بر صورتی مدعی عموملک تبلیغ قلمان عرخیالده اسامیسی محرر اولوب ورود ایتمکدن خبر ویریلان مدافعه شاهدرلی برر برر حضور محکمه یه جیقاریه رق لدی السؤل طرفینه قرایت ومناسبت وعداوتلری اولمدیغنی سوبلریله اصولاً تحلیقلری بعد الاجرا منفرداً ومواجهه استماع اولدقلرنده بولردن قاضی کوبنده قهوه یی یکر می التی یاشنده ایرانی عباس بن محمد مته محمدک اغستوسک یکر می برنجی کونی قاضی کوبنده اولدیغنی و برقاج کون دها اوراده قالدیغنی وکیجه لری نجف قولینک قهوه خانه سنده یاندیغنی سوبلدی .

محل مذکورده کلیسا میدانده توتونجی اوتوز اوج یاشنده ایرانی زبیل بن حاجی سلیمان اغستوسک یکر می برنجی کونی قاضی کوبنده اولوب برقاج کون اوراده وکسندی قهوه لرده برقاج کیجه قالدیغنی سرد ایلدی .

دیگر شاهد یکر می اوج یاشنده ایرانی جعفرصادق بن مشهد اغستوسک یکر می برنجی کونی اخشام اوزری ساعت اون ایکیده قهوه به کلوب اوراده مرقوم محمدی کوردیکی افاده ایللریله مدافعه شاهدرینک دخی اخبارلری اختتام ایتمکده قاضی کوبنده برقاج کون قالدیغنی سوزنده بولدی .

مدافعه شاهدرلردن ایرانی ابراهیمک ذات الرهنه دن مضطرب اوله رق کله میه جکی باعلم و خبر اخبار اولمسیله مته محمد اقامه سندن فراغت ایتمکدن سوبلدیکدن معاون موی الهک مطالعه سی وجهله طرفینک شهادتی اقامه دن صرف نظر ایده میه جکته قرار ویریه رک بیان قلندی .

(مابعدی کله جک نسخه یه)

—*—

اوجوز اون طقوز سنه سی تشرین اولنک اون دردنجی کیجه سی خاصکوبده استویانی جرح ایدرک تعطیل عضویه سبیت ویردیکی ادعاسیله مته اولان باغچوان میخالک اجرا قلمان محاکمه سی نتیجه سنده مته مرقومک مزبور استویانی بی بچاقه و قتل قصدیه جرح ایدرک مرقومک اشبو جرحدن صول کوزینک تشخیص شخص ایده میه جک قدر رؤینک نقصانسته سبیت ویردیکی شهادت وطیب راپوری مندرجاتی ومته مک صورت افاده سی وامارات ساثره ایله ثابت اولدیغندن مجرمیتنه وقانون جزانک بوز سکسانجی ماده سنه توفیقاً بش سنه مدته کورکه قوئلسنه وتعطیل عضودن طولانی دیله دیکی حالده مدعی شخصینک محکمه عانده سنه مراجعتده مختار اولسنه محکمه جنایتجه قرار ویرلشدر .

—*—

کرد محمد وسلیان وحسین وکیفونک مضاربه ایلدکری تحققی ایتمکدن برآشدرینه

دعوی وکیللردن فوزی افندیگ صراف سرکزی طولاندیردنی اصولاً ثابت اوله مدیغندن برآشدرینه باله جی شرف الدینک محمد افانک قوچوغنی سرق ایلدیکی ثابت اوله مدیغندن برآشدرینه

حال عبداللهک کراسته جی السطاش ونیقولینک قلاصی سرق ایتمدیکی تبین ایتمکدن برآشدرینه ناجیه خاتمک جمال خاتمک خانه سندن اشیا سرق ایلدیکی اکلاشیه مدیغندن برآشدرینه

امین افانک محمد اغانی ضرب ایلدیکی ثابت اوله مدیغندن برآشدرینه

عطاری باندیلینک دقتسزلهک حریق ظهورینه سبیت ویردیکی ثابت اوله مدیغندن برآشدرینه نظلی افندیگ شادی افندی ضرب ایلدیکی ثابت اوله مدیغندن برآشدرینه

پنایوطک غنجه خاتمک خانه سندن لیلاً سرقه مجاسرتی تبین ایده مدیکدن برآشدرینه

انسی وماریقه وقسططینک یکدیگری ضرب ایلدکری اکلاشیه مدیغندن برآشدرینه

دیونسک باندیلنی ضرب ایتمدیکی تبیین ایده مدیکدن برآشدرینه

خاتمک حسینی ضرب ایلدیکی اکلاشیه مدیغندن برآشدرینه

لفترک احمدک مجروحیتنه سبیت ویردیکی ثابت اوله مدیغندن برآشدرینه

ایلیانک ایراث خساره جرأتی تبین ایده مدیکدن برآشدرینه

عبدالقادرک برادری ادهی جرح ایلدیکی ثابت اوله مدیغندن برآشدرینه

علینک ابراهیمی طولاندیردنی ثابت اوله مدیغندن برآشدرینه

سلیم ونورینک اشیا سرق ایتمکری اکلاشیه مدیغندن برآشدرینه

میشون ونجور وماسک ضرب وایراث خساره مجاسرتلری ثابت اوله مدیغندن برآشدرینه

هاجی ارتینک یونانی اقدی ضرب وجرح ایتمدیکی تبین ایده مدیکدن برآشدرینه

اسماعیل افندیگ اموال منقوله سنه ایراث خسار ایدن آراه جی علیدن خسار بدلی اوله رق یوزغروش وجزای نقدی اوله رق اون بشلک اخذینه

یوک آراه جی حاجی محمدک آراه جی احمدک برعدد آراه بکرلکی سرق ایلدیکی تحققی ایتمکدن اوج آی حبسنه

عبدالرحمن افانک سکر مجیدی سی سرق ایلدیکی تحققی ایدن حسنک اوج آی حبسنه وختام مدتنده ضابطه جه کفالت آلتنه آنسنه

اقتیمیای ضرب ایلدکری ثابت اولان اورانیه وهارقیلایدن برر لیرا آله رق مضروب اعطاسنه

مناو زکریای ضرب وهرمن خانه دخی حرف اندالاق ایتمدیکی مرتبه ثبوته واصل اولان رفعت افندیگ اون کون حبسنه

ویلیام نام شخصی ضرب ایلدیکی ثابت اولان اسپانیا دولتی تبیه سندن علسکسندرینک برهفته حبسنه خلاف تبیه حرکت جرأتی ثابت اولان صیریدن بش بشلک جزای نقدی اخذینه

خلاف تبیه اوزرنده سلاح طاشیدنی تبین ایدن برر سرکردن بش بشلک جزای نقدی اخذینه

قهوه سنده قار اوینادیق ثابت اولان قهوه جی آندونک برآی حبسیله برابر برلیرا جزای نقدی اخذینه

معامله رسمیه اجرا ایلمکسزین قبرستانه میت دفن ایلدیکی اقراریه ثابت اولان قاسم یاشاده ساکن رنجبر یوسفدن بش بشلک جزای نقدی اخذینه

مجارده ساکن یونانی نیقولی ایله یاقونک ایضای مأموریت حالنده پولیس شکری افندی به حقارت

ایتمکری وموی اله شکری افندیگ دخی اجرای وظیفه اثناسنده مرقومانن یاقونی ضرب ایتمدیکی ثابت اولدیغندن مرقومانن برر لیرا جزای نقدی

اخذینه وشکری افندیگ اون بش کون حبسنه معمار زقاغنده ساکنه قاملیای جرح ایتمدیکی

ثابت اولان کتبه دن عبدی افندیگ التی آی حبسنه درسمعات ، بک اوغلی واسکدار بدایت محکمه لری جزا

دأره لرینجه قرار ویرلشدر .

—*—

مُجَامَلَاتُ نَدَبِ الْهَيْئَةِ

قصبه قضاسی بدایت محکمه سی مدعی عمومی معاونی وکیلی پولیس قومیسری خلیل ومستنطق معاونی حسین افندیلرک رشوت اخذینه جرأتلری آیدین ولایتی استیناف محکمه سی مدعی عمومیلکنندن کوندریلان اوراق تحقیقه مندرجاتندن آکلاشیلهرق ایجاب ایدنلر حقنده دخی تعقیبات قانونیه اجرا اولنق اوزره مومی الیهامک اجرای محاکمه لرینه عدلیه نظارت جلیله سندن مأذونیت اعطا ومذکور مدعی عمومیلکه تبلیغات مقتضیه اجرا ایدلشددر.

الْإِلْأَنَاتُ

قواق محله لی عطار سحافک دکانندن اشیا سر- قندن طولایی مظنون علیه اولوب جنایتله اتهامنه قرار ویریلدرک حقنده نقل مذکره سی ویرلش اولان افراد عسکریده دن حسن بن عزیزک صنف ردیفه نقل ایله مملکتته کیتدیکی جهت عسکریده دن بیلدیرلش ومرقوم حقنده اخذ وکرفت مذکره سی اعطاسی استیناف مدعی عمومیلکی مأموریتندن طلب اولنهرق مرقوم حسن ارزنجانک تیمار قریه سی اهالیسندن وحرکت واقعه سی قانون جزانک ایکی یوزیکرمنجی ماده سی حکمی مستلزم مواد جنائیه دن اولهرق ارضروم استیناف محکمه سی جزا دائره سنجه محاکمه سی اجرا قلنق اوزره جنایتله اتهامنه قرار ویرلش اولدیغندن مرقومک هر زرده کوریلور ایسه دردستیه محکمه مذکوره توقیفخانه سنه تسلیمی لازم کله چکی بالمله ضابطه عدلیه مأمورلرینک معلومی اولنق اوزره اشبو اخذ وکرفت مذکره سی ارضروم هیئت اتهامیه سندن تنظیم قلندی.

بر او یونجه لاق قریه سی اهالیسنه برچوق تفنک انداخت ایلدکن بشقه قریه مزبورلی حسن اوغلی حسینی قورشون وشیشله جرح وقتل ایلدکلرندن طولایی مظنون بولنانلردن کینی قضاسنک ویریک قریه سنده مقیم ماسکانلی عشیرتندن مصطفی اوغلی سلیمان اغا ومحمدی محمد ویوسف اوغللری علی ومحمد ووالی اوغلی دیگر محمد وسیدی اوغلی دیگر محمد ومصطفی اوغلی حسن وحسن اوغلی علی ووزیر اوغلی حسن ومصطفی اوغلی علی وسلیمان اغانک برادری مصطفی اوغلی دیگر علی وصادق اوغلی سلیمان ومیرزه علی اوغلی موسی وواوغلی علی ولوغو محمد وقوقوم اوغلی محمد وقوقو اوغلی سیدی وعلی اوغلی محمد وقریشلی علی چاوش وفوجو اوغلی سید

محمودک افعال مذکوره به مجاسرتله فرار ایلدکلری اوراق تحقیقه مألندن اکلاشلش وحرکات واقعه لری قانون جزانک ۱۷۴ نجی ماده سی حکمی مستلزم افعال جنائیه دن اولهرق ارزنجان بدایت محکمه سی جزا دائره سنده محاکمه لری اجرا ایدلک اوزره جنایتله اتهاملرینه قرار ویرلش اولدیغندن مرقومونک هر زرده کوریلورلر ایسه دردستیره محکمه مذکوره توقیفخانه سنه تسلیم ایدلری لازم کله چکی بالمله ضابطه عدلیه مأمورلرینک معلومی اولنق اوزره اشبو اخذ وکرفت مذکره سی ارضروم هیئت اتهامیه سندن تنظیم قلندی.

ردوسی نجات محکمه سنده :

ردوسک یکی واروشنده مقیم دیر وکراسنه تجارتیه مشغول یورکی قالقانونسک ۱۰ مارت سنه ۳۲۰ تاریخندن اعتباراً اعلان افلاسنه ومصالح افلا- سیه نک رؤیت وتسویه سی ضمننده محکمه نک اعضای دائمه سندن حاجی محمد افندیلرک ژوز قومیسر ومحکمه باش کاتبی نورس ودعوی وکیللرندن نیقولاک میطافی افندیلرک موقت سندیک تعیینلرینه ومغازه سیله اشیا زائده بیتیه سنک تمهیرینه واوراق ودفاترینک جلیبه وکفاله ربطنه وبوبابده کی قرارک موقه اجراسنه ردوس تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۲۰ سنه سی نیساننک برنجی پنجشنبه کونی ساعت یدی راده لرنده اصحاب مطلوبک محکمه مذکوره نک قلم اوطنه سنه کللری اعلان اولنور.

اعلامات شرعیه اجرا دائره سنده :

فاطمه بحریه خانمک سعادتلو حسین حسیب افندی ذمتنده مترکم نفقه دن بااعلام شرعی الاجنی اولان مبالغ معلومه نک تأمین استیفاسی ضمننده محجوز وبک اوغلی بدایت محکمه سی ایکنجی حقوق دائره سندن ویریلان اعلام ایله فروختی محکوم بولنان بوغازاچنده صاری یار قریه سنده یکی محله جاده سنده واقع طقسان نومرو ایله مرقم بر باب توتونجی دکانسک نصف حصه سیله بتون ملکی بوندن مقدم لدی المزایده لیرای عثمانی یوزغروشدن درت بیک الی یوزغروش بدل ایله طالبی عهده سنده تقرر ایتش وموقت قرار داده سی کشیده قلنمش اولدیغندن یوزده بش ضم ایله بوندن زیاده یه طالب اولانلرک تاریخ اعلانندن اعتباراً اوتوز برکونه قدر مراجعت ایللری ومدت مذکوره دن صکره ضم قبول اولنیوب تقرر ایدن بدل مقابلنده طالبی عهده سنه معامله فراغیه سنک اجرا قلنه جنی

درسعادت اعلامات شرعیه اجرا دائره سندن اعلان اولنور.

بک اوغلی بدایت محکمه سی اجرا دائره سنده :

لبابه خانمک حاجه امینه خانم ذمتنده بک اوغلی بدایت محکمه سی ایکنجی حقوق دائره سی اعلامیه محکوم به الاجنی اولان مبالغ معلومه نک تأمین تسویه سی ضمننده مدیونه مزبورنک عهده تصرفده اولوب حجز آلتنه آلان طوبخانه جوارنده فیروزاغا محله سنده تنکچی زقاغنده کائن طولاً اون طقوز وعرضاً اون درت آرشون که تخمیناً ایکی یوز التمش الی آرشون مقداری عرصه اوزرینه مبنی برچانی آلتنده زقاق قبولی آیری ودرت قادن عبارت اولهرق هربری صغیر وکبیر بش اوطنه وصوفه ومطبخ وآرقه جهتنده قیوی وتخمیناً طقسان آرشون مقداری باغچه محلی مشتمل سلیمه خاتون وقفندن اون درت نومرو ایله مرقم برطرفی آرابه چی شعبان وصالح اغالرک خانه لری و دیگرطرفی برمقلقچی محمد اغانک خانه وباغچه سی وآرقه جهتی تنکچی زقانی وطرف رابی حسن اغا باغچه سیله محدود ایکی باب اخشاب خانه کی نصف حصه شایعه سنک تاریخ اعلانندن اعتباراً اون بش کون صکره بالمزایده فروخته تشبث اولنه جفندن طالب اولوب دها زیاده معلومات آلق ایستیانلرک بک اوغلی بدایت محکمه سی اجرا دائره سنه مراجعت ایللری اعلان اولنور.

سلوری قضاسی بدایت محکمه سی اجرا دائره سنده :

سلوری قصبه سنده مقیم اجزاجی استاورینک قصبه مذکوره لی اوطون چورباجی ورته سندن قزی قایتنه ذمتنده محکوم به معلوم المقدار الاجنک تأمین استیفاسی ضمننده داین طرفندن حجز آلتنه آلنهرق فروختی قرارلشدیریلان مدیونلرک سلوریده طوانلی چشمه جاده سنده طرفلری لفتراکی ونیقولاکی وبولبخرون منزللری وطریق عام ایله محدود فوقانی درت اوطنه وبرصوفه واورته قانده اوچ اوطنه وبرصوفه وبریمک صالونی ومرمرحولی وبرکوردک وبرمطبخی حاوی بر باب خانه نک ربع حصه سی بالمزایده درت بیک غروش بدل ایله داین عهده سنده تقرر ایدرک قرار داده سی چکلش اولدیغندن اشبو اعلان تاریخندن اعتباراً اوتوز برکون نهایتنده احواله قطعیه سی اجرا قلنق اوزره یوزده بش ضم ایله زیاده یه طالب اولانلرک سلوری بدایت محکمه سی اجرا دائره سیله منادیسنه مراجعت ایللری اعلان اولنور.